



Na osnovu člana 234. tačka j) Zakona o privrednim društvima („Službene novine Federacije Bosne i Hercegovine“, broj: 81/15) i člana 62. tačka 17. Statuta Javnog preduzeća Elektroprivreda Bosne i Hercegovine d.d. – Sarajevo, broj SD-5211/16-38/2 od 29.03.2016. godine i broj SD-18295/18-51/5. od 19.07.2018. godine, Pedeset i druga (vanredna) Skupština Javnog preduzeća Elektroprivreda Bosne i Hercegovine d.d. – Sarajevo je dana 18.09.2018. godina donijela

ODLUKU

o prihvatanju Garancije Federacije Bosne i Hercegovine za osiguranje kredita
The Export – Import Bank of China - CEXIM (Izvozno – uvozne banke Kine)
za realizaciju Projekta izgradnje Bloka 7 – 450 MW u TE Tuzla

Član 1.

Javno preduzeće Elektroprivreda Bosne i Hercegovine d.d. – Sarajevo, za osiguranje kredita kod The Export – Import Bank of China - CEXIM (Izvozno – uvozne banke Kine) za realizaciju Projekta izgradnje Bloka 7 – 450 MW u TE Tuzla, prihvata garanciju Federacije Bosne i Hercegovine.

Član 2.

Garancija Federacije Bosne i Hercegovine iz člana 1. ove Odluke će se izdati pod slijedećim uvjetima:

1. Iznos Garancije Federacije BiH: u visini obaveza Javnog preduzeća Elektroprivreda BiH d.d. – Sarajevo prema CEXIM banci u skladu sa Sporazumom o kreditnoj liniji No. 1530002052017210002 od 27.11.2017. godine, što odgovara 85% vrijednosti EPC ugovora zaključenog sa Konzorcijem China Gezhouba Group Company Ltd -CGGC Gezhouba (lider Konzorcija) i China Energy Engineering Group Guangdong Electric Power Design Institute Co., Ltd. – GEDI (član Konzorcija) ili 613.990.000,00 EUR (1.200.860.061,70 KM), sa pripadajućim kamatama i naknadama;
2. Troškovi izdavanja Garancije Federacije Bosne i Hercegovine: provizija u visini 0,5% od iznosa garancije i premija u visini 3,3% na iznos glavnice;
3. Trajanje Garancije Federacije BiH: period otplate kredita CEXIM banke;
4. Obaveze JP Elektroprivrede BiH d.d. – Sarajevo:
 - 4.1. JP Elektroprivreda BiH d.d. - Sarajevo se obavezuje da obezbjedi osiguranje cjelokupne imovine Projekta, kako je ona definisana Sporazumom o kreditnoj liniji, te da se osiguranje kontinuirano obnavlja za svo vrijeme trajanja Garancije. Za vrijeme izgradnje ova imovina treba da bude osigurana u skladu sa EPC ugovorom, kako je on definisan u Sporazumu o kreditnoj liniji, a nakon izgradnje od uobičajenih rizika u skladu sa politikama osiguranja JP Elektroprivreda BiH d.d. – Sarajevo;
 - 4.2. JP Elektroprivreda BiH d.d. - Sarajevo se obavezuje da, bez saglasnosti Federalnog ministarstva finansija/financija (FMF) neće zasnivati bilo kakva nova zaduženja, izdavati instrumente osiguranja, garantovati ili preuzimati bilo koje finansijske ili druge obaveze drugih pravnih lica, uključujući i povezana pravna lica, u pojedinačnom iznosu većem od 30.000.000,00 KM, koju saglasnost FMF neće bezrazložno uskratiti. Od ove obaveze se

- izuzima zaduženje JP Elektroprivreda BiH d.d. - Sarajevo kod domaćih komercijalnih banaka za potrebe obezbjeđenja sredstava za plaćanje avansa po EPC ugovoru;
- 4.3. JP Elektroprivreda BiH d.d. - Sarajevo se obavezuje da, bez saglasnosti FMF neće vršiti investiciona ulaganja u pojedinačnom iznosu većem od 30.000.000,00 KM, koju saglasnost Davatelj garancije neće bezrazložno uskratiti;
- 4.4. JP Elektroprivreda BiH d.d. - Sarajevo se obavezuje da, bez saglasnosti FMF, neće vršiti bilo kakvu isplatu dividende sve dok se njegove obaveze po Sporazumu o kreditnoj liniji u cjelosti ne otplate, odnosno sve dok postoji obaveza garantovanja Federacije BiH po Ugovoru o izdavanju Garancije FBiH za zajam JP Elektroprivreda BiH d.d. – Sarajevo kod Cexim banke;
- 4.5. JP Elektroprivreda BiH d.d. - Sarajevo se obavezuje da će otvoriti namjenski račun za servisiranje duga po Sporazumu o kreditnoj liniji, te da će na njega izvršiti prenos sredstava potrebnih za plaćanje svakog od dospjelih anuiteta, najkasnije pet (5) dana prije dospijeca pojedinog anuiteta i redovno dostavljati izvještaje o stanju sredstava na tom računu. Ugovor o otvaranju ovog računa po formi i sadržaju treba biti prihvatljiv FMF;
- 4.6. JP Elektroprivreda BiH d.d. - Sarajevo se obavezuje da će na polugodišnjoj osnovi dostavljati FMF izvještaje o ukupnoj visini novčanih sredstava kojima raspolaže i informacije o zahtjevima za plaćanja i otplaćenim obavezama po Sporazumu o kreditnoj liniji;
- 4.7. JP Elektroprivreda BiH d.d. - Sarajevo se obavezuje da će, na zahtjev FMF, pokrenuti aktivnosti na dodatnoj emisiji dionica u svrhu unosa novog kapitala koji će biti dovoljan za uredno servisiranje kreditnih obaveza u slučaju da se aktivira Garancija, ili da JP Elektroprivreda BiH d.d. - Sarajevo dva puta uzastopno kasni sa plaćanjem obaveza prema Cexim banci, ili da JP Elektroprivreda BiH d.d. - Sarajevo najavi FMF-u kašnjenje u servisiranja duga po Sporazumu o kreditnoj liniji;
- 4.8. JP Elektroprivreda BiH d.d. - Sarajevo se obavezuje da će međunarodne finansijske institucije od kojih je ranije povlačio kreditna sredstva (EBRD, KfW i dr.) obavijestiti o zaključenju Ugovora o izdavanju Garancije FBiH za zajam JP Elektroprivreda BiH d.d. – Sarajevo kod Cexim banke, te im dostaviti sve potrebne informacije koje bi mogle imati uticaja na ranije zaključene kreditne poslove sa njima;
- 4.9. JP Elektroprivreda BiH d.d. - Sarajevo se obavezuje da će pravovremeno obavijestiti FMF o svim eventualnim događajima i okolnostima koje mogu imati bilo kakav uticaj na pravovremeno izvršavanje obaveza JP Elektroprivreda BiH d.d. - Sarajevo po osnovu ovog i drugih kredita, kao i o mjerama koje JP Elektroprivreda BiH d.d. - Sarajevo namjerava poduzeti u cilju prevazilaženja poteškoća koje bi uzrokovale kašnjenja u izvršavanju kreditnih obaveza;
- 4.10. JP Elektroprivreda BiH d.d. - Sarajevo se obavezuje da će izvještaje o provedbi Projekta, u skladu sa odredbama člana 18.4. Sporazuma o kreditnoj liniji, redovno dostavljati i FMF i Federalnom ministarstvu energije, rudarstva i industrije, te dostavljati druge izvještaje u skladu sa važećim propisima;
- 4.11. JP Elektroprivreda BiH d.d. - Sarajevo je saglasan da se u svrhu kontrole rizika koji bi mogli nastupiti tokom implementacije Projekta, uspostavi Odbor za praćenje Projekta koji bi nadgledao i procjenjivao sve aspekte njegove implementacije. Odbor će imenovati i održavati Vlada Federacije BiH i za svo vrijeme do završetka Projekta obezbijediti njegov rad i nesmetano funkcionisanje sa adekvatnim i odgovarajućim kvalifikovanim osobljem, pri čemu je JP Elektroprivreda BiH d.d. - Sarajevo dužan osigurati tehničke i druge uvjete i resurse za rad ovog Odbora;

- 4.12. JP Elektroprivreda BiH d.d. - Sarajevo se obavezuje da će u roku od devet (9) mjeseci od dana izdavanja Garancije pripremiti i Vladi Federacije BiH dostaviti Program restrukturiranja rudnika uglja u vlasništvu JP Elektroprivreda BiH d.d. - Sarajevo, izrađen od strane specijalizovane međunarodne kompanije. Ovaj rok može biti produžen od strane Vlade Federacije BiH u opravdanim slučajevima, usljed objektivnih okolnosti. JP Elektroprivreda BiH d.d. - Sarajevo će nakon usvajanja Programa restrukturiranja rudnika pristupiti aktivnostima na provođenju Programa restrukturiranja;
- 4.13. JP Elektroprivreda BiH d.d. - Sarajevo će voditi poslovanje u skladu sa međunarodnim priznatim i prihvatljivim administrativnim, finansijskim, inženjerskim i ostalim relevantnim standardima i praksom;
- 4.14. Ako u bilo koje vrijeme FMF u ime JP Elektroprivreda BiH d.d. - Sarajevo izmiri dio dospjelih obaveza, za sve takve isplate JP Elektroprivreda BiH d.d. - Sarajevo je dužan plaćati FMF zakonsku zateznu kamatu, a koja se obračunava od dana plaćanja obaveza od strane FMF prema Cexim banci;
- 4.15. JP Elektroprivreda BiH d.d. - Sarajevo se obavezuje da će, na zahtjev FMF dostaviti i sve druge informacije i izvještaje u vezi sa provođenjem Ugovora o izdavanju Garancije FBiH za zajam JP Elektroprivreda BiH d.d. – Sarajevo kod Cexim banke;
5. Instrumenti osiguranja:
1. trideset (30) bjanko vlastitih mjenica, sa klauzulom „bez protesta“ i mjeničnom izjavom ovjerenom i potpisanom od strane ovlaštenog lica JP Elektroprivreda BiH d.d. – Sarajevo;
 2. hipoteka prvog reda u korist FMF nad svim nekretninama koje se u Sporazumu o kreditnoj liniji definisane kao Imovina Projekta.

Član 3.

Ovlašćuju se Generalni direktor i Izvršni direktor za ekonomske poslove da, u ime i za račun JP Elektroprivreda BiH d.d. – Sarajevo, sa Federalnim ministarstvom finansija/financija potpišu ugovor o izdavanju Garancije Federacije BiH.

Izmjene i dopune Ugovora o izdavanju Garancije Federacije BiH se može vršiti samo uz prethodnu pismenu saglasnost Nadzornog odbora JP Elektroprivreda Bosne i Hercegovine d.d. – Sarajevo.

Član 4.

Zadužuju se Uprava i Nadzorni odbor Društva da u okviru izvještaja o poslovanju JP Elektroprivreda BiH d.d. – Sarajevo podnose Skupštini Društva izvještaj o realizaciji ove Odluke i o eventualnim izmjenama i dopunama Ugovora o izdavanju Garancije Federacije BiH.

Član 5.

Ovlašćuju se Nadzorni odbor i Uprava Društva da, u skladu sa ovom Odlukom, u okviru svojih nadležnosti donesu sve neophodne odluke potrebne za realizaciju ugovora o izdavanju Garancije Federacije BiH.

Član 6.

Ova Odluka stupa na snagu kumulativnim ispunjenjem slijedećih uvjeta:

- donošenje ove Odluke od strane Skupštine Društva,
- saglasnost Parlamenta Federacije Bosne i Hercegovine na izbor Projektnog partnera za zajedničko ulaganje u Projekat izgradnje Bloka 7 – 450 MW u TE Tuzla,
- donošenje Odluke Parlamenta Federacije BiH o davanju prethodne saglasnosti za kreditno zaduženje JP Elektroprivreda BiH d.d. – Sarajevo kod Izvožno-uvozne banke Kine za projekat izgradnje Bloka 7 – 450 MW u TE Tuzla,
- donošenje Odluke Parlamenta Federacije BiH o odobravanju Odluke Vlade Federacije BiH o izdavanju Garancije Federacije BiH u korist Izvožno-uvozne banke Kine za kreditno zaduženje JP Elektroprivreda BiH d.d. – Sarajevo.

Ovlašćuje se Izvršni direktor za kapitalne investicije da posebnim aktom konstatuje datum stupanja na snagu ove Odluke.

Broj: SD - 23422/18 – 52./2.4.
Sarajevo, 18.09.2018. godine

Predsjednik
Skupštine Društva

Jasmina Pašić

